



Халқ сўзи

Ўзбекистон — келажги буюк давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2014 йил 13 август, № 155 (6085)

Чоршанба

Ягонасан, муқаддас Ватаним, севги ва садоқатим сенга бахшида, гўзал Ўзбекистоним!



Юртимизнинг ҳар бир гўшасини байрам нашидаси чулғаб олган айни шу кунларда истиқлол йилларида эришган улкан ютуқ ва натижаларимизнинг туб омил ҳамда мезонлари ҳақида фикр юритар эканмиз, аввало, Президентимиз Ислоҳ Каримов томонидан ишлаб чиқилиб, изчиллик ва қатъият билан ҳаётга жорий этилган, дунё миқёсида тараққиётнинг “Ўзбек модели” дея тан олинган мустақил ривожланиш йўлимиз ҳақида тўхталишимиз табиийдир.

Бу йўлнинг асосий тамойиллари қандай мураккаб синов ва машаққатлар, қизгин тортишувлар, кўп йиллик ҳаётий тажриба маҳсули сифатида вужудга келганини, ана шу қоида ҳамда тамойилларнинг ҳар томонлама тўғри эканини бугун ҳаётнинг ўзи тасдиқламоқда. Бундай пайтда ўзимиз танлаган тараққиёт йўлидан қатъий ишонч билан бораётганимиз, бугун тарихга айланган улғвор ишларимиз кўз олдимизда қайта-қайта намоён бўлади.

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

Бугун маҳалланинг ёшларни ҳар томонлама баркамол инсонлар этиб тарбиялаш, оила институтини ижтимоий қўллаб-қувватлаш ва мустаҳкамлаш, жамиятда аҳиллик ҳамда тотувликни таъминлаш борасидаги ўрни ва аҳамияти ҳар қачонгидан ошмоқда. Айниқса, аҳолини аниқ йўналтирилган асосда ижтимоий қўллаб-қувватлаш, хусусий тадбиркорлик ва оилавий бизнесни кенг ривожлантириш, “Кучли давлатдан — кучли фуқаролик жамияти сари” тамойилнинг ҳаётдаги амалий ифодасини қарор топтириш борасидаги аҳамиятини ҳеч нарса билан қийслаб бўлмайди.

Энг намунали маҳаллалар аниқланмоқда

Дарҳақиқат, маҳалла нуфузини кўтариш йўналишида олиб борилаётган кенг қамровли ислохотлар натижасида бугун нафақат мамлакатимизда, балки хорижда ҳам ушбу ноёб бошқарув институтининг фаолияти катта қизиқиш билан ўрганилмоқда. Буни Урганч шаҳрида ҳамда Жанубий Корея, АҚШ ва Хитой давлатларида маҳалла институтининг фаолияти йўналишида бағишлаб ўтказилган халқаро давра суҳбатларидаги эътирофлар мисолида ҳам кўриш мумкин.

Маҳалланинг ислохотлар жараёнидаги фаоллигини оширишда ҳар йили аънавий тарзда ўтказиб келинаётган “Энг намунали фуқароларнинг ўзини ўзи бошқариш органлари” кўрик-танловининг ҳам салмоқли ҳиссаси бор. Зеро, мазкур кўрик фуқаролар йиғинларининг илғор иш тажрибаларини кенг оммалаштиришда айни муддао бўлмоқда. Шу кунларда танловнинг худудий босқичлари “Ягонасан, муқаддас Ватаним, севги ва садоқатим сенга бахшида, гўзал Ўзбекистоним!” шiori остида ўтказилмоқда.

Кўрик-танловнинг Нукус шаҳрида бўлиб ўтган Қорақалпоғистон Республикаси босқичида қуйи босқичларда ғолиб чиққан 16 та фуқаролар йиғини 3 та шарт асосида Ўзаро бахсларга киришди. Аввало, фуқаролар йиғинлари томонидан амалга оширилган бунёдкорлик ва ободонлаштириш ишлари ҳақида бу борада эришил-

(Давоми 2-3-бетларда).

Тараққиётнинг улғвор йўли

Тарихимизда янги даврнинг бошланиши

Ўзбекистонда 80-йиллар охирида собиқ шўролар тизими томонидан юритилган мустақил сиёсат оқибатида тўпланиб қолган ижтимоий-иқтисодий муаммолар, халқимизга, унинг кадрларига нисбатан

адолатсиз ва беписанд муносабатда бўлиш оқибатида оғир ҳамда ўта тахликали вазият вужудга келган эди. Озгина учун чиқса, бутун юртимиз, минтақамиз тўхтаиб бўлмайдиган ўт-аланга ичида қолиб кетиши мумкин эди.

Шундай оғир вазиятда Ислоҳ Каримов Ўзбекистон раҳбари этиб сайланди. Юртбошимиз эртаси кунийк ҳукумат мажли-

сида нутқ сўзлаб: “Биз бундан буён эскича яшолмаймиз ва бундай яшашга замоннинг ўзи йўл қўймайди”, деганди. Бамисоли тиниқ осмонда чақмоқдек чакнаган ушбу давлаткор хулоса республикамиз раҳбарининг мавжуд вазиятнинг келиб чиқиш сабабларини, уни бартараф этиш йўллари яхши билишини, айни пайтда Ўзбекистоннинг ёруғ истиқболи учун

ҳар қандай синов ва машаққатларни енгиб ўтишга, бу борада бутун масъулиятни ўз зиммасига олишга тайёр эканлигини яққол намоён этди.

Миллат тақдирини ҳал бўлаётган ўша дамларда Юртбошимизнинг мустақилликка эришишдек олий мақсад йўлида халқимиз манфаатларидан келиб чиқиб, узоқни кўлаб, қатъият билан қарорлар қабул қилганлиги мил-

лий давлатчилик тарихимизда янги даврни бошлаб берди.

Буларнинг барчаси юртимизда амалга оширилган ижтимоий-иқтисодий ислохотлар стратегиясининг пойдевори, концептуал негизи ва устувор йўналишларига ўша синовли йилларда асос солинганини кўрсатади.



ЁШЛАРГА ОИД ДАВЛАТ СИЁСАТИ — АМАЛДА

Ўзбекистон — ёшлар мамлақати. Юртимиз аҳолисининг 60 фоиздан зиёдини ёшлар ташкил этиши бунинг тасдиғидир. Шу боис мамлакатимизда истиқлолнинг илк йилларидан Президентимиз раҳнамолигида замонавий билимларни пухта эгаллаган, жисмоний ва маънавий жиҳатдан етук ёш авлодни камолга етказиш масаласи давлат сиёсатининг устувор йўналиши этиб белгиланган.

Истиқлол фарзандлари

Республикамизда ёшларнинг нафақат мукамал билим эгаллаши, айни вақтда муайян мутахассисликка эга бўлиб, жамиятда ўзининг муноси ўрнини топиши учун қўллаб-қувватлаш амалга оширилмоқда. Бу борада мақсадли давлат дастурлари рўйбга чиқарилаётир. Пировардида кейинги йилларда янгича дунёқарашга, қатъий ишонч ва эътиқодга эга, мустақил фикрлайдиган, мамлакат ҳамда халқига содиқ, Ватанимизнинг янада раванқ топиши учун

муносиб ҳисса қўшишга интилаётган ўн минглаб янги авлод мутахассислари тайёрланди. Давлатимиз раҳбарининг шу йил 6 февралдаги “Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида”ги қарори ушбу серкирра фаолиятни ҳар томонлама ривожлантириш ва рағбатлантиришда дастуриламал бўлиб хизмат қилапти.

(Давоми 4-бетда).

ЎЗБЕКИСТОН ВА ХИТОЙ ҲАМКОРЛИГИ ЖАДАЛ РИВОЖЛАНМОҚДА

Тошкентдаги Халқаро ҳамкорлик марказида 12 август куни Ўзбекистон — Хитой ҳукуматлараро ҳамкорлик қўмитасининг Энергетика соҳасида ҳамкорлик бўйича кичик қўмитаси навбатдаги мажлиси бўлиб ўтди.

Тадбирда икки мамлакатнинг ташқи иқтисодий алоқалар, банк-молия, иқтисодиёт, нефть-газ, энергетика, геология каби соҳалар учун масъул вазирлик ва идоралари, компания ва концернлари раҳбарлари иштирок этди.

Ўзбекистон Республикаси иқтисодиёт вазири Г. Саидова Ўзбекистон билан Хитой ўртасидаги ҳамкорлик савдо, иқтисодиёт, сармоя, энергетика каби қўллаб-қувватлаш бўлаётган, бунда икки давлат раҳбарларининг учрашувларида эришилган келишувлар муҳим ҳуқуқий асос бўлиб хизмат қила-

ётганини алоҳида таъкидлади. Ўзбекистон Республикаси Президенти Ислоҳ Каримовнинг 2014 йилнинг май ойида Осиёда ҳамкорлик ва ишонч чоралари бўйича кенгашининг IV саммитидаги иштироки ҳамда Хитой Халқ Республикаси Раиси Си Цзиньпин билан учрашуви ўзаро муносабатларни янги мазмун билан бойитиб, мамлакатларимиз ўртасидаги стратегик ҳамкорлигини янада мустаҳкамлади.

Ўзбекистон билан Хитой ўртасидаги алоқалар Дўстлик, ҳамкорлик ва шериклик муносабатлари тўғрисидаги шартнома, Стратегик шериклик ўрна-тиш тўғрисидаги қўшма

декларация ҳамда Икки томонлама стратегик ҳамкорликни янада чуқурлаштириш ва ривожлантириш ҳақидаги қўшма декларация руҳида барча соҳаларда ривожланмоқда. Хитой мамлакатимизнинг савдо-иқтисодий ва сармоявий ҳамкорлари орасида етакчи ўринни эгаллайди. 2011 йилда таъсис этилган Ўзбекистон — Хитой ҳукуматлараро ҳамкорлик қўмитаси савдо-иқтисодий ва сармоявий, энергетика, нефть-газ, транспорт ва илмий-техникавий алоқаларни ривожлантиришга хизмат қилмоқда.

Ўзбекистон билан Хитой ўртасида иқтисодий соҳада энг кўп қўлайлик яра-

тиш тартиби амал қилмоқда. Ўзаро товар айирбошлаш ҳамда муттасил ўсиб бораётир. Жорий йилнинг январь — май ойларида бу кўрсаткич қарийб 2,2 миллиард АҚШ долларини ташкил этди. Ўзбекистонда Хитой капитали иштирокида тузилган 482 қўшма корхона фаолият юритмоқда. Юртимизда Хитойнинг етмишдан зиёд компанияси ваколатхонаси ишлаб турибди.

Мамлакатимиздаги қўлай бизнес муҳити, хорижий сармоядорларнинг манфаатларини таъминлашга қаратилган афзалликлар ва кафолатлар тизими хитойлик ишбилармонларнинг юртимиз иқтисодиётига қизиқиши ва ишончини оширмоқда.

(Давоми 2-бетда).



Ҳеч ким меҳр ва эътибордан четда қолмайди!

Мамлакатимизда навбатдаги саломатлик ҳафталиги бошланди. Бу галги ижтимоий акция Мустақиллигимизнинг 23 йиллигига бағишлаб ҳамда Президентимизнинг шу йил 19 февралдаги “Соғлом бола йили” Давлат дастури тўғрисида”ги қарори ижросини таъминлаш мақсадида ўтказилмоқда.

БИР РАҚАМ ШАРҲИ

2014 йилнинг биринчи ярмида мамлакатимизда хизмат кўрсатиш ҳажми

14,2

фоиз ошди.

Хизмат кўрсатиш соҳаларини жадал ривожлантириш ва қишлоқ аҳолисининг замонавий хизмат турларидан фойдаланишини кенгайтиришга доир кўрилган изчил чора-тадбирлар туфайли ана шундай юқори ўсишга эришилди.

(Давоми 2-бетда).

Инвестициявий муҳитни янада яхшилаш — давр талаби

Олий Мажлис Қонунчилик палатасида Бюджет ва иқтисодий ислохотлар қўмитаси томонидан Ўзбекистонда инвестициявий муҳитни янада яхшилашнинг ҳуқуқий асосларига бағишланган давра суҳбати ўтказилди. Унда депутатлар, тегишли вазирлик ва идоралар вакиллари, мутахассислар иштирок этди.

ПАРЛАМЕНТДАГИ МУХБИРИМИЗ ХАБАР ҚИЛАДИ

Тадбирда тегишли давлат органлари томонидан сармоядорларга қўшимча енгилликлар бериш, солиқ ва бошқа назорат қилувчи органлар билан ўзаро муносабатларни соддаштириш, улар учун таъки саवдо амалиётларини расмийлаштириш бўйича ортқача тартиб-таомилларни бартараф этишга доир вазифалар қандай бажарилаётгани муҳокама қилинди.

Давра суҳбатида инвестициялар иқтисодий таркибий ўзгаришлари янада чуқурлаштириш, корхоналар инвестициявий фаолиятини жадаллаштириш, ишлаб чиқаришни модернизация қилиш, техник ва технология янгилашга хизмат қилиши айтиб ўтилди. Айни чоғда илғор технологияларни жорий этиш, янги иш ўринларини ташкил қилиш ва мамлакатимиз иқтисодий таркибий барқарор ривожланишини таъминлашга ҳам шарт-шароит яратиши кўрсатиб ўтилди.

Таъкидланганидек, юртимизда инвесторлар ҳуқуқларини ҳимоя қилишга қаратилган, уларга имтиёз ва преференцияларни белгилаб берадиган мустақкам ташкилий-ҳуқуқий пойдевор яратилган. “Инвестиция фаолияти тўғрисида”ги, “Чет эл инвестициялари тўғрисида”ги, “Чет эллик инвесторлар ҳуқуқларининг қалфалари ва уларни ҳимоя қилиш чоралари тўғрисида”ги, “Рақобат тўғрисида”ги қонунлар, Президентимизнинг “Тўғридан-тўғри хорижий инвестициялар жалб этилишини рағбатлантиришга оид

қўшимча чора-тадбирлар тўғрисида”ги Фармони ҳамда бошқа ҳуқуқий ҳужжатлар шулар жумласидандир.

2014 йилги иқтисодий дастурнинг энг муҳим йўналишлари ва устувор вазифаларини амалга ошириш доирасида иқтисодиётнинг тармоқ ва соҳаларини модернизация қилишга қаратилган қатор лойиҳалар рўёбга чиқарилаётган. Натижада жорий йилнинг биринчи ярим йиллигида ўзлаштирилган инвестиция ҳажми 10,8, жумладан, тўғридан-тўғри хорижий сармоялар миқдори 28,8 фоиз ўсди.

Депутатлар мамлакатимизда яратилган қўлай инвестициявий муҳитдан фойдаланган ҳолда, корхоналарни техник ва технология янгилаш, тўғридан-тўғри хорижий сармоялар жалб қилиш эвазига маҳсулотларнинг рақобатдошлигини ошириш, бозорни сифатли ва ҳаридорлигига эришилган ҳолда, шунингдек, янги таъкиддаги “Инвестиция фаолияти тўғрисида”ги қонун лойиҳаси муҳокама қилинди. Унда жаҳонга доир асосий тушунчалар янада аниқлаштириляпти, инвестиция жараёнининг барча иштирокчилари ҳуқуқ ҳамда мажбуриятларини таъминлаш чораларига алоҳида аҳамият берилган.

Тадбирда тегишли тақлиф ва тавсиялар ишлаб чиқилди.

Санджон МАХСУМОВ.

ЎЗБЕКИСТОН ВА ХИТОЙ ҲАМКОРЛИГИ ЖАДАЛ РИВОЖЛАНМОҚДА

(Давоми. Бошланиши 1-бетда).

Хитой ишбилармонлари мамлакатимизда ташкил этилган иқтисодий-индустриал зоналарда фаол иш юритмоқда. Хусусан, “Жиз-зах” махсус индустриал зонасида Хитой компанияларининг 50 миллион доллардан зиёд миқдордаги тўғридан-тўғри инвестициялари иштирокида ўн бешдан ортқ қўшма лойиҳа амалга оширилмоқда.

Икки мамлакат ўртасидаги ҳамкорлик ёқилғи-энергетика соҳасида ҳам изчил тараққий этмоқда. Марказий Осиё — Хитой газ қувурининг тўртта тармоғи ҳам Ўзбекистон Республикаси ҳудудидан ўтгани нефть-газ соҳасида юксак даражадаги ўзаро ишонч ва яқин ҳамкорликдан далолат беради.

Мамлакатларимиз Ўзбекистон — Хитой газ қувурининг тўрттинчи линиясини қуриш ва ишга туширишнинг стратегик аҳамиятга молик муҳим лойиҳа, деб ҳисоблайди. Хитой Халқ Республикаси Раиси Си Цзиньпиннинг 2013 йил сентябрь ойида мамлакатимизга давлат ташрифи доирасида йилга 30 миллиард куб метр газ етказиб бериш қувватига эга мазкур линия қурилишига оид ҳужжат имзоланди. Бу Марказий Осиёдан XXРга табиий газ экспорти ва транзитини янада кенгайтириш имконини беради.

Хитой компаниялари юртимиздаги углеводород конларини қидириш ва қазилган ишларида фаол иштирок этаётди. Хитой Миллий нефть-газ корпорацияси (СNPC) истиқболли углеводород конларини қидириш ва ишга тушириш, шунингдек, Муборак газ-кимё мажмуасида табиий газни чуқур қайта ишлаш лойиҳасини амалга оширишда қатнашмоқда.

Мамлакатимиз Хитой Давлат тараққий банк ва Эксимбанки билан ҳам фаол ҳамкорлик қилмоқда. Хитой Давлат тараққий

банки энергетика, транспорт, телекоммуникация, соғлиқни сақлаш, таълим ва бошқа йўналишлардаги умумий қиймати 3,8 миллиард доллардан зиёд турли лойиҳаларда иштирок этмоқда.

Юртимизда нефть-газ қазиб олиш билан бирга уларни чуқур қайта ишлаш, шу орқали маҳсулотлар турини кўпайтиришга эришилмоқда. Шундай корхоналар барпо этилаётгани самарасида мамлакатимизда илғор технологияларга асосланган нефть ва газ кимёси санати ривожланаётди.

Хитойлик ишбилармонлар Ўзбекистондаги иқтисодий барқарорлик халқаро миқёсда улкан эътибор қозонаётганини таъкидлаб, мамлакатимизда амалга ошириладиган йирик лойиҳаларда иштирок этишга тайёр эканлигини билдирди.

— Ўзбекистон иқтисодиёт ва энергетика соҳасида давлат улкан салоҳиятига эга, — деди Хитой Халқ Республикасининг ривожланиш ва ислохотлар бўйича давлат қўмитаси раисининг ўринбосари, энергетика бўйича давлат бошқармиси раиси У Синьсюн. — Мамлакатларимизнинг бу соҳалардаги алоқалари гоёт самарали, ҳар икки томон учун фойдали бўлмоқда. Қўёш ва шамол энергетикаси соҳалари ҳам ҳамкорлигининг истиқболли йўналишларидан. Ушбу қўмита мажлиси биргаликда қатор лойиҳалар ишлаб чиқиш ва амалга оширишда муҳим омил бўлмоқда.

Анжуманда Ўзбекистон билан Хитой ўртасида иқтисодий, нефть-газ, энергетика соҳасидаги ҳамкорликнинг бугунги ҳолати ва истиқбол, икки томонлама алоқаларини янада ривожлантириш, ўзаро манфаатли қўшма лойиҳаларни амалга оширишга оид масалалар атрофида муҳокама қилинди.

Ноҳира МАНЗУРОВА,
ЎЗА мухбири.



(Давоми. Бошланиши 1-бетда).

Нусха олинмаган ўзига хос модель

Дунёда XX асрнинг бошларида мамлакатлар иқтисодий ривожланишининг Америка ва Европа моделлари, Иккинчи жаҳон урушидан кейин эса ўзига хос Германия ва Япония моделлари шаклланди. Кейинчалик ўзини тўлиқ оқлаган Жанубий Корея, Жануби-Шарқий Осиё мамлакатларида тараққийёт моделлари юзага келди. Шунингдек, мустақилликка эришган Осиё ва Африка мамлакатларида кўпроқ бошқа моделлардан андоза олинган йўллар танланди. Лекин ушбу давлатлар таърихи бирон бир давлатнинг ривожланиш йўлини тўғридан-тўғри қабул қилиб бўлмастлигини амалда исботлади.

Охириги чорак асрда собиқ иттифоқ республикалари ва Шарқий Европа мамлакатлари туф ислохотлар йўлидан борди. Уларнинг ичиде Ўзбекистон танланган йўл ўзининг ҳаётийлиги ва амалий натижалари билан жаҳон ҳамжамиятининг эътиборини тортиди. Айниқса, жаҳон молиявий-иқтисодий инқирозидан кейин бизнинг ўзига хос тараққийёт йўлимизга унча хайрихоҳ бўлмаган мамлакатлар, халқаро ташкилотлар ҳам уни тан ола бошладилар.

Жаҳон ҳамжамияти томонидан юксак эътироф этилган фундаментал, назарий жиҳатдан чуқур асосланган ва пухта ишлаб чиқилган машҳур бешта таъминоти асосланган, “Ўзбек модели” деб ном олган ислохотлар ва иқтисодий тараққийёт модели ҳаётда тўлиқ ўзини оқлади.

Айрим халқаро молиявий ташкилотларнинг ривожланган давлатларда қўлланилган бозор механизмларидан кўр-кўрона нусха кўчириб, ёш Ўзбекистонимизни “синов майдончаси”га айлантиришга бўлган ўринишлари, “шок

терапияси” усуллари билан фойдаланиш бўйича берган тавсияларига танқидий ёндашдик ва уларни рад этдик.

Мустақил тараққийёт йўлининг ҳал қилувчи таъминотларини ишлаб чиқишда принципал аҳамиятга эга уч масалага асосий эътибор қаратилганининг унинг ҳаётийлигини таъминлади.

Биринчидан, миллий давлатчилик тарихимиз, халқимизнинг менталитети, Ўзбекистоннинг геостратегик ўрни, мамлакатимиздаги демографик вазият, реал табиий ва иқтисодий салоҳият инobatга олинди.

Иккинчидан, эски тузум даврида юритилган мустақий сиёсат натижасида шакланган ижтимоий-иқтисодий ва сиёсий вазият чуқур ўрганилди, мавжуд муаммо ҳамда номуносаблиқларнинг келиб чиқиш сабаблари атрофида таҳлил қилинди ва мантқий ҳулосалар чиқарилди.

Учинчидан, иқтисодий жиҳатдан ривожланган давлатларнинг тараққийёт моделлари ҳар томонлама ўрганилди ва уларнинг мақбул бўлган айрим жиҳатларидан ўзимизнинг шарт-шароитимизга мослаштирилган ҳолда фойдаланилди.

2009 йилдан эътиборан, яъни молиявий-иқтисодий инқироз юқори нуқтага кўтарилган пайтдан бошлаб ҳар йили Ўзбекистон таърихисини ўрганишга бағишланган нуфузли халқаро илмий-амалий анжуманлар ўтказилиши анъана тусига кирди. Уларда иштирок этган йирик иқтисодчи олимлар, сиёсатчилар, эксперт ва таҳлилчилар Ўзбекистоннинг тараққийёт йўлини тўла қўллаб-қувватлаб, бу таърибани бошқа давлатлар амалиётида қўллаш бўйича тавсиялар бердилар.

Ютуқларимизнинг бош омили

Юртимизда тинчликни сақлаш масаласига ички ва ташқи сиёсатимизнинг устувор вазифаси сифатида қаралганлиги миллий ривожланиш стратегиямизни муваффақиятли амалга оширишнинг бош омили бўлди. Чунки кўпалаб мамлакатларда бир тузумдан иккинчи тузумга ўтиш аксарият ҳолларда фуқаролар урушлари, қон тўкишлари, сиёсий тўқнашувлар, иқтисодий бўҳрон, умуман олганда, ижтимоий ва иқтисодий ҳаёт издан чиққан ҳолда амалга оширилгани тарихдан яхши маълум.

Хозир дунёда содир бўлаётган воқеалар ҳам бунга яққол исботлаб турибди. Агар юрда тинчлик-барқарорлик бўлмаса, энг пухта ишланган стратегияларни ҳам амалга ошириб бўлмаслиги, иқтисодий ўсиш ва аҳоли турмуш фаровонлигини таъминлаш имконисиз эканлиги барчага яхши аён. Давлатимиз раҳбари таъкидлаганидек, “Ўзбекистонимиз мустақил тараққийёт йўлида қандай ютуқ ва марраларга эришган бўлса, буларнинг барчасининг неғизи — юртимизда тинч ва осуда ҳаёт, миллиятлар ва фуқаролараро тотувлик, ўзаро меҳр-оқибат ва ҳамжихатликни асраб-авайлаб келаётганимизда”.

Энг оғир, бутун бир минтақанинг тақдирини ҳал бўлаётган қаттиқ давларда Президентимизнинг ўта вазминлик билан, нафақат ўзбек халқининг, балки биз учун қардош бўлган қўшни халқлар манфаатларидан келиб чиққан ҳолда, узоқни ўйлаб, оқилона қарорлар қабул қилганлиги нафақат мамлакатимизда, балки Марказий Осиёда тинчлик ва барқарорликни сақлаб қолишнинг асосий қалолати бўлди.

мураккаб демографик вазиятдан келиб чиққан ҳолда янги иш ўринлари яратишга қаратилди.

Янги ижтимоий-иқтисодий муносабатларни шакллантириш мақсадида давлат мулкчини хусусийлаштириш, мамлакатимизда мулкдорлар синфини, биринчи навбатда, жамиятнинг асоси ҳисобланган ўрта қатламни шакллантириш, бозор инфратузилмасини ҳамда ягона транспорт-коммуникация тизimini барпо этиш устувор йўналишлар сифатида белгиланди.

Саноат ва қишлоқ ҳўжалиги соҳаси мисолида айтилган бўлсак, ислохотлар ҳамда таркибий ўзгаришлар тармоқларни маҳаллий табиий ва иқтисодий ресурслардан миллий манфаатларимиздан келиб чиққан ҳолда, самарали ва оқило-

мой барқарорлик вуқудга келди.

Шу боис Юртбошимиз ислохотларнинг дастлабки босқичида озиқ-овқат муаммосини ўз имкониятларимиз ҳисобидан ҳал қилиш, айниқса, галла мустақиллигини таъминлаш масаласини кун тартибга қатъий вазифа қилиб қўйган эди.

Пухта ўйлаб юритилган иқтисодий сиёсат натижасида эканлиги айниқса, қишлоқ ҳўжалиги эканлигини жойлаштириш ички талаб ва шарт-шароитлар инobatга олиниб, қайта кўриб чиқилди. Пахта яккахоқимлигига барҳам берилди. Натижада юртимизда озиқ-овқат хавфсизлиги, галла мустақиллиги таъминланди. Утган йилларда галла етиштириш ҳажми 8,5 баробар, ҳосилдорлик эса 3,2



на фойдаланиш, аҳолининг истеъмол молларига бўлган талабни ўзимизда ишлаб чиқарилган маҳсулотлар ҳисобидан таъминлаш йўлидан борилди. Негаки, мустақилликнинг илк йилларида ушбу тармоқлар тўлиқ ҳол ашё етишти-

марта ошди. Агар Ўзбекистон 1990 йилда истеъмол учун зарур бўлган доннинг 80 фоиздан ортигини четдан олиб келган бўлса, бугун ўзини ўзи тўлиқ таъминлабгина қолмай, балки дон экспорт қиладиган давлатлар қаторига кирди.

Аҳоли саломатлигини таъминлаш — устувор мақсад

Пойтахтимизда “Экосан” экология ва саломатлик халқаро хайрия жамоат фонднинг навбатдаги муассислар конференцияси бўлиб ўтди. Фонднинг 2009 — 2013 йиллардаги фаолиятига бағишланган тадбирда Ўзбекистон Республикаси Вазирлар Маҳкамаси, тегишли қўмиталар, банк ва жамоат ташкилотлари вакиллари ҳамда оммавий ахборот воситалари ходимлари қатнашди.

АНЖУМАН

Таъкидланганидек, “Экосан” фонди ўтган вақт мобайнида ўз фаолиятини тўртта йўналиш бўйича амалга оширди. Хусусан, аҳоли ва ёшлар орасида соғлом турмуш тарзини шакллантириш, атроф табиий муҳит билан уйғун муносабатда бўлишни тарғиб қилиш борасида халқаро экология ва саломатлик саналарига бағишланган турли тадбирлар ўтказди. Ушбу тадбирлар доирасида “Экосан”нинг “Аньаналарни тикла — даракт эки!” ширини остида талаба-ёшлар томонидан ташкил этилган муассасалари ҳовлиларида “Еш экологлар” боллари ташкил қилинди.

Экологик нуқулай минтақаларда ижтимоий-гигиеник ва экологик шароитларни яхшилаш, аҳолини ичимлик суви билан таъминлаш бўйича амалга оширилган ишлар натижасида Қорақалпоғистон Республикаси, Хоразм, Навоий, Сирдарё, Сурхондарё, Наманган, Қашқадарё ҳамда Тошкент вилоятларида умумий қиймати 503,1 миллион сўмлик лойиҳалар рўёбга чиқарилди. Ҳамкор ташкилотлар билан биргаликда ўтказилган “Тошкент экологияси: менинг уйим — менинг шаҳрим”, “Энг мурувватли қўшни”, “Йилнинг энг яхши иқтидорли, иждоқдор ёш итирочи-си” сингари кўрик-танловлар эса фонд фаолиятининг унчинчи йўналишига ўз аксини топди.

Ижтимоий муҳофазага муҳтож аҳоли қатламга хайрия ёрдамларини кўрсатиш борасида қўрилган чора-тадбирлар туфайли Қорақалпоғистон Республикаси ва Хоразм вилоятига инсонпарвар-

лик ёрдамлари ортлган, тиббий анжомлар билан жиҳозланган “Саломатлик” поездлари юборилди. Бу эса, ўз навбатида, узоқ туманлардаги 24 та шифохона ва тиббий муассасага 159,4 миллион сўмлик зарур воситаларни етказиб бериш учун мустақкам замин яратди.

Фонд томонидан халқаро алоқаларни ривожлантиришга ҳам алоҳида эътибор қаратилмоқда. Айнан шу мақсадда олиб борилган ишлар натижасида республикамизнинг турли ҳудудларида сув таъминоти бўйича 316,6 миллион сўмлик 8 та лойиҳа рўёбга чиқарилгани, 185,9 миллион сўмлик маблағ эвазига эса 7 та ҚВПнинг тоза ичимлик суви билан таъминоти яхшиланиб, канализация ишлари якунлангани фикримиз тасдиқидир.

Конференцияда “Экосан” фондининг атроф-муҳит муҳофазаси ва аҳоли саломатлигига қаратилган устувор вазифаларни қамраб олган 2014 — 2019 йилларга мўлжалланган Ҳаракат дастури муҳокама қилиниб, у тақлифлар асосида тасдиқланди. Келгусида амалга оширилиши лозим бўлган вазифалар, “Экологик назорат тўғрисида”ги Ўзбекистон Республикаси Қўни қабул қилиниши муносабати билан, шунингдек, бошқа ташкилий масалалар кўриб чиқилди.

Конференцияда Ўзбекистон Республикаси Бош вазирининг ўринбосари А. Икрамов сўзга чиқди.

Дилшод УЛУҒМУРОДОВ,
«Халқ сўзи» мухбири.

Хозирги кунда импорт таркибида озиқ-овқат маҳсулотларининг улуши 10 фоизни ҳам ташкил қилмайди. Аксинча, йилдан-йилга экспорт таркибида уларнинг улуши ортиб бормоқда. Ҳеч шубҳасиз, бунда қишлоқ хўжалигида туб ислохотлар амалга оширилгани, деҳқон ерининг ҳақиқий эгасига, фермерлар жамиятимизнинг таянч устунни, ҳал қилувчи кучига айлангани, меҳнат муносабатлари бутунлай ўзгаргани мустақкам асос бўлиб хизмат қилмоқда.

Қайта қанот ёзган фазилат

Мустақиллик одамларга ўз билан малакаларидан, тадбиркорлик қобилиятидан келиб чиқиб, эркин меҳнат қилиш, унинг маҳсулидан ўзи ва жамият аъзоларини баҳраманд этиш, мулкка эга қилиш имконини берди. Агар

тизимли ишлар натижасида кичик бизнес ва хусусий тадбиркорликнинг жадал ривожлантириш ҳамда унинг иқтисодийдаги мавқени ошириш учун катта имкониятлар яратилди.

Бугун кичик бизнес ва хусусий тадбиркорлик давлат ва жамият ҳаётининг барча соҳаларига чуқур кириб борди. У иқтисодий тараққиётимизнинг асосий ҳаракатлан-тирувчи кучига айланди. Мамлакатимиз ялпи ички маҳсулотининг 83 фоизи нодавлат сектор улушига, қишлоқ хўжалиги маҳсулотларининг деярли ҳаммаси деҳқон ва фермер хўжаликлари ҳиссасига тўри келмоқда. Иқтисодиётда кичик бизнес ва хусусий тадбиркорликнинг улуши салкам 56 фоизни ташкил қилиб, аҳоли даромадларининг 50 фоиздан ортми хусусий тадбиркорлик фаолиятдан тушаётгани оқилона ислохотларнинг бекиёс самарасидир.



Суратлар «Халқ сўзи» фотожаммасасидан олинди.

улуғвор йўли

истиклол йилларида босиб ўтган йўлимизга назар ташлайдиган бўлсак, ушбу соҳани иқтисодий ривожлантиришнинг асосий ҳаракатлан-тирувчи кучига айлантириш осон кечмаганини кўрамиз. Эски тизимда асрлар мобайнида ўз тасдиғини топган иқтисодий қонуналар инкор этилган, тадбиркорлик ва кичик бизнеснинг иқтисодиётни ривожлантиришдаги бекиёс аҳамияти йўққа чиқарилган эди.

Миллий тараққиёт йўлимизни танлашда тадбиркорлик ҳалқимизнинг қон-қонига сингиб кетган ноёб ва эзгу фазилат эканлиги, одамларнинг бўғиб ташланган яратувчанлиги ғайрат-шиқоятга яна қайта қанот ёзишига эришиш, уларнинг дардига айланган муам-

Ривожланишнинг худудий мувозанати

Ҳар қандай мамлакатнинг иқтисодий салоҳияти унинг таркибий қисми ҳисобланган турли даражадаги маъмурий-худудий бирликларнинг ижтимоий-иқтисодий қувватлари билан ўлчанади. Иқтисодий ислохотларнинг самараси ҳам, энг аввало, худудларда, шаҳар ва қишлоқларда намён бўлади. Шу боис Ўзбекистонда мамлакат худудларини барқарор ва мутаносиб ривожлантиришга алоҳида эътибор қаратилади.

Республикада ривожланишнинг «ўзбек модели» тамойилларига асосланган ҳолда, ўзимизнинг миллий худудий ривожланиш модели шаклланди. Унинг асосий

тақаларимиз ривожланиш даражасидаги тафовутлар ошиб кетишининг олди олинди.

Мустақилликка бўлган даврда республикамиз минтақалари иқтисодий ривожланиш даражаси бўйича бир-бирдан кескин фарқ қилиб, аксарият вилоятлар, асосан, қишлоқ хўжалиги хом ашёси етиштиришга ихтисослаштирилган бўлиб, тайёр маҳсулотлар ишлаб чиқариш даражаси жуда паст эди. Айрим вилоятлар санаятининг ярмидан кўпи биргина пахта тозалаш санаяти ҳиссасига тўри келарди. Айтайлик, 1990 йилда республикада санаят маҳсулотини ишлаб чиқаришнинг 60 фоиздан ортми Тошкент шаҳри, Тошкент ва Фарғона вилоятлари ҳиссасига тўри келган ҳолда, Сирдарё, Жиззах, Сурхондарё вилоятлари ва Қорақалпоғистон Республикасининг бу жабҳадаги салмоғи биргаликда атиги 9,7 фоизни ташкил қилган, ҳолос. Натижада республикамиз ишлаб чиқариш кучларини жойлаштиришда номуаносибликлар пайдо бўлди. Минтақалар ўртасида иқтисодий-ижтимоий ривожланиш даражасидаги тафовутлар ва зиддиятлар чуқурлашиб кетди.

Ушбу вазиятдан келиб чиқиб, иқтисодий сиёсатимизнинг муҳим тамойилларидан бири — худудлар ўртасидаги ижтимоий ва иқтисодий ривожланиш даражасидаги тафовутларни олиш ҳамда уларни камайтириш вазифаси кун тартибига қўйилди.

Минтақаларнинг табиий-иқтисодий имкониятларини ҳисобга олган ҳолда, уларнинг мавжуд ишлаб чиқариш, табиий ва меҳнат имкониятларини тўла рўёбга чиқара олишлари учун зарур шарт-шароитлар яратиб бериш, шу асосда аҳоли турмуш даражасини

кескин ошириш учун етарли иқтисодий асос яратиш йўлидан борилди.

Шу ўринда юртимизда худудларнинг комплекс ривожлантириш бўйича 2013 — 2015 йилларга мўлжалланган қатор худудий дастурлар ишлаб чиқилганини алоҳида таъкидлаш зарур. Сабаби, уларнинг изчил ижроси худудларнинг табиий ва иқтисодий салоҳиятидан комплекс ҳамда самарали фойдаланиш ҳисобига мавжуд фарқларни янада камайтириш имконини беради.


Охириги йилларда худудларда юқори технологияларга асосланган ишлаб чиқаришни ташкил этиш орқали уларнинг санаят ва экспорт салоҳиятини ошириш бўйича иқтисодий зоналар ташкил бўлиши таъкидлаш зарур. Бугунги кунда «Навоий» эркин индустриал-иқтисодий, «Ангрен» ва «Жиззах» махсус индустриал зоналари фаолият кўрсатмоқда.

Миллий худудий ривожланиш моделининг ўзига хос жиҳатларидан яна бири истиқлолнинг дастлабки йилларидан бошлаб қишлоқларимизни жадал ижтимоий-иқтисодий ривожлантиришга устуворлик берилганида бўлди. Чунки истиқлол остонасида аҳолининг 60 фоиздан ортми истиқомат қилган қишлоқларимизда ижтимоий ва иқтисодий вазият ўта оғир аҳволда бўлгани ҳеч кимга сир эмас. Ушбу вазиятни инобатга олиб, қишлоқлар ижтимоий инфратузилмасини ривожлантириш, бандлик ва бошқа қатор давлат дастурлари қабул қилиниб, чекка худудларда ҳам табиий, таълим ва спорт муассасалари, хизмат кўрсатиш шохобчалари бунёд этишга турли манбалар ҳисобидан катта маблағлар ажратилмоқда.

Илгари битта оддий цех бўлмаган қишлоқларда бугун замонавий дастгоҳлар билан жиҳозланган ихчам санаят корхоналари бунёд этилиб, у ерда маҳаллий хом ашёдан тайёр маҳсулотлар ишлаб чиқарилмоқда. Қишлоқ ёшлари замонавий коллежларда билим ва малака эгаллаб, мураккаб дастгоҳларда ишламоқда. Улар ишлаб чиқарган маҳсулотлар қўллаб хорижий мамлакатларга экспорт қилинмоқда. Бир эътибор қаратинг-а. Агар ислохотларнинг дастлабки йилларида қишлоқ туманларида мамлакатимизда ишлаб чиқарилган санаят маҳсулотининг атиги 10 фоизи тайёрланган бўлса, айни пайтда ушбу кўрсаткич салкам 30 фоизни ташкил қилмоқда. Айниқса, 2009 йилдан бошлаб қишлоқ жойларда намунавий лойиҳалар асосидаги уй-жойлар қуриш дастурининг амалга оширилиши ислохотларни сифат жиҳатидан яна бир поғона юқорига кўтарди. Буларнинг ҳаммаси қишлоқларда шаҳардагидан қолшимайдиган муносиб турмуш шароити яратиш имконини бермоқда.

Ўзбекистон қўлга киритган бундай оламшумул ютуқларга маҳлиё бўлиб қолмасдан ўз олдига келажакда ривожланган демократик давлатлар қаторидан жой олиш мақсадида янги стратегик вазифалар қўймоқда. Бунинг учун истиқлол йилларида мустақкам иқтисодий ва социал асос яратилди. Шу боис Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгилаб берилган устувор йўналишлардан келиб чиқиб, мамлакатимизни модернизация қилиш, демократик янгилаш, унинг рақобатдорлигини ошириш бўйича қатор давлат дастурлари ишлаб чиқилди ҳамда ҳаётга изчил татбиқ этила-япти. Буларнинг бари пировардида юртимиз иқтисодий қудратини ошириш, ҳалқимиз турмуш фаровонлигини янада юксалтиришга хизмат қилиши мўқаррардир.

Авазбек СОДИҚОВ,
иқтисод фанлари доктори.



молар ечимини топиш учун энг ҳаттиҳи эҳтиёждан келиб чиқиб иш тутилди.

мақсади мамлакатимиз минтақаларини комплекс ва мутаносиб ижтимоий-иқтисодий ривожлантириш орқали миллий иқтисодиётнинг худудий мувозанатини таъминлашга қаратилди. Натижада энг мураккаб ўтиш даврида мин-

РЕКЛАМА ВА ЭЪЛОНЛАР

Ўзбекистон Республикаси Вазирлар Маҳкамаси ҳузуридаги Фан ва технологияларни ривожлантиришни мувофиқлаштириш қўмитаси

Ўзбекистон Республикаси илмий-техника тараққиётининг устуворликлари доирасида республикада илмий тадқиқот ва инновация фаолиятини янада кенгайтириш мақсадида бажарилиши 2015 — 2017 йилларга мўлжалланган амалий тадқиқотлар ва 2015 — 2016 йиллар инновация давлат илмий-техника дастурларини шакллантириш учун амалий тадқиқотлар ва инновация лойиҳалари танловини эълон қилади.

Танловга тегишли барча зарур маълумотлар, лойиҳаларни расмийлаштиришнинг тартиби ва асосий қоидалар билан Фан ва технологияларни ривожлантиришни мувофиқлаштириш қўмитаси, Фанлар академияси, Олий ва ўрта махсус таълим, Соғлиқни сақлаш, Халқ таълими ҳамда Қишлоқ ва сув хўжалиги вазирликларидан ёки қўмитанинг қуйидаги интернет-саҳифасида танишиш мумкин: www.uzscz.gov.uz

Лойиҳалар танлови иштирокчиларига қулайликлар яратиш ва танловни муваффақиятли ўтказиш мақсадида Фанлар академияси, Олий ва ўрта махсус таълим, Соғлиқни сақлаш, Халқ таълими, Қишлоқ ва сув хўжалиги вазирликлари тасарруфидаги илмий муассасалар ҳамда олий ўқув юр்தларнинг лойиҳалари тегишли вазирликларда қабул қилинади.

Танловга лойиҳалар эълон матбуотда чоп этилган санадан бошлаб 2014 йил 15 сентябргача шабна ва ақшанба кунларидан ташқари ҳар кун соат 14.00 дан 18.00 гача қабул қилинади.

Маълумот учун телефонлар:
Қўмита ижро аппаратида: (8-371) 233-69-23, 233-69-61, 232-20-68.
Фанлар академиясида: (8-371) 233-29-81, 233-59-86.
Олий ва ўрта махсус таълим вазирлигида: (8-371) 246-01-54, 246-01-87.
Халқ таълими вазирлигида: (8-371) 239-40-84, 239-19-68.
Соғлиқни сақлаш вазирлигида: (8-371) 242-12-08, 241-17-73.
Қишлоқ ва сув хўжалиги вазирлигида: (8-371) 241-65-19, 241-71-90, 241-33-42.

ЎЗБЕКИСТОН БАНКЛАРИ АССОЦИАЦИЯСИ ҲУЗУРИДА ТАШКИЛ ЭТИЛГАН ИНВЕСТИЦИЯ ЛОЙИҲАЛАРИ БЎЙИЧА ЛОЙИҲА ҲУЖЖАТЛАРИНИ ТАЙЁРЛАШНИ МОЛИЯЛАШТИРИШ ФОНДИ

кичик бизнес ва хусусий тадбиркорлик субъектларининг лойиҳа гоғларини танлов асосида қабул қилади.

Фонд томонидан кичик бизнес ва хусусий тадбиркорлик субъектларининг лойиҳа гоғлари ва уларнинг лойиҳа ҳужжатларини (ТИА, бизнес-режа) ишлаб чиқиш танлов асосида амалга оширилади.

Танлов куйидаги йўналишларда олиб борилди: янги ишлаб чиқаришни ташкил этиш, жорий фаолият кўрсатаётган санаят корхоналарини модернизациялаш, техник ва технологик жиҳатдан қайта жиҳозлаш ҳамда янгилаш.

Танловга инвестициявий жозибдорликка ва санаят соҳасида татбиқ этиш истиқболлига эга, шунингдек, маҳаллий хом ашё ва материаллардан фойдаланган ҳолда, маҳсулот ишлаб чиқариш ҳажмини кўпайтириш, сифатини яхшилаш ҳамда меҳнат унумдорлигини ошириш имконини берувчи гоғлар қабул қилинади.

Фонд энг истиқболли ва жозибдор лойиҳаларни республика тижорат банклари кредит маблағларининг ҳисобига молиялаштиришни ташкил этишга қўмақлашади.

Танловда лойиҳа гоғларини ҳамда улар бўйича лойиҳа ҳужжатларини тайёрлаш ва молиялаштириш учун юридик шахслар иштирок этишлари мумкин.

Танловда қатнашиш учун куйидаги ҳужжатларни тақдим этиш лозим:

- ариза (намуна бўйича);
- инвестиция таклифи (намуна бўйича);
- инвестиция таклифи паспорти (намуна бўйича).

Ҳужжатлар электрон шаклда ҳам қабул қилинади.

Батафсил маълумот учун тел.: (+99871) 238-69-07, (+99871) 238-69-08.
Web-site: www.ffpd.uz; E-mail: pdf.fund@gmail.com
Манзил: Тошкент шаҳри, 100027, Шайхонтоҳур тумани, Қоратош кўчаси, 1-уй, Ўзбекистон банклари ассоциацияси биноси, 15-қават.
Мўлжал: «Истиклол» санъат саройи, «Бунёдкор» метро бекати.

POS-ТИЗИМЛАРИ АВТОМАТЛАШТИРИШ

Micros
Ўзбекистондаги расмий ҳамкор

Штрих-код сканерлари, Моноблоклар, Харидор учун дисплей, Чеклар принтери, Тарозилар

ЖИҲОЗ ЕТКАЗИБ БЕРИШ ВА АВТОМАТЛАШТИРИШ:

- савдо жойлари (магазинлар/супермаркетлар);
- бутик, ноозик-овқат маҳсулотлари савдоси;
- рестороанлар, кафе, барлар;
- фитнес-клублар, бильярд хоналар, боулинг ва бошқалар.

Моноблоклар, кассалар, штрих-код сканерлари, чеклар принтерлари, савдо тарозилари.

Дастурий таъминот: Atol, Microinvest, Айтида. Автоматлаштириш «калити билан».

- Кичик Бешёғоч к., 86 (олдинги шаҳар ДИХХБ биноси қаршида), тел.: (+99871) 200-34-34, (қўш. 850, 858), факс: 281-43-65.

www.micros.uz;
e-mail: scales@ucd.uz, micros@ucd.uz

ЧЕГИРМА 10%

Қорақалпоғистон Республикаси Божхона бошқармаси танлов муддатини узайтиради.

Ўзбекистон Республикаси Давлат божхона қўмитаси ҚОРАҚАЛПОҒИСТОН РЕСПУБЛИКАСИ БОЖХОНА БОШҚАРМАСИ

компьютер техникалари ва сканерлар харид қилиш бўйича танлов эълон қилади.

Тақлифлар техник ва тижорат қисмларга ажратилиб рақамланган, тикилиб муҳрланган ҳамда ёпиқ муҳрланган конвертларда устки қисмига танлов номи тўлиқ кўрсатилган ҳолда топширилиши шарт.

Тақлифларнинг техник ва тижорат қисмлари конвертлари устки қисмига мум равишда «Техник қисми» ва «Тижорат қисми» сўзлари ёзилган бўлиши шарт.

1. «Техник қисми» сўзлари ёзилган пакетга техник талаблар бўйича ҳужжатлар жойлаштирилган бўлиши лозим.

2. «Тижорат қисми» сўзлари ёзилган пакетга тижорат талаблари бўйича ҳужжатлар жойлаштирилган бўлиши лозим.

Танлов бўйича тақлифлар 2014 йил 14 август кунини соат 17.00 га қадар қабул қилинади.

Танлов ҳужжатларининг сотиб олиш баҳоси 96 150 сўмни ташкил этади.

Танлов бюртмачининг ҳисоб рақамига пул ўтказиш йўли билан амалга оширилади.

Қўшимча маълумотлар ва танлов ҳужжатларини олиш учун куйидаги манзилга мурожаат қилиш мумкин:
Қорақалпоғистон Республикаси, Нукус шаҳри, Т. Қайипбергенов кўчаси, 57-уй.
Телефонлар: (8-361) 224-01-19, 224-16-98.
х/р: 21506000103765250002, МФО: 00015, ОКОНХ: 97200, СТИР: 202030050, Нукус шаҳри, Марказий банк бўлими.

ЭЪТИРОФ

Яқинда Францияда нашр этиладиган «Le Figaro» кундалик газетасида «Жаҳон тарихидаги буюк саркардалар. Амир Темура» сарлавҳали мақола эълон қилинди.

«Le Figaro» газетаси Амир Темура ҳақида

Тарихшунос олим Арно Блин қаламига мансуб мазкур мақолада давлатчилик қурилиши, илм-фан, маърифат ва маданият тарраққиётига улкан ҳисса қўшган машҳур саркарда ҳамда давлат арбоби ҳақида ҳикоя қилинади. Унда муаллиф бобокалонимиз Амир Темура Осий ва Европа ўртасида ўзаро алоқаларни мустаҳкамлаш тарафдори, моҳир дипломат, дея таъриф беради.

Хукмдорнинг ҳарбий юришлари хусусида қалам юритар экан, Амир Темура жаҳон тарихидаги жанг олиб бориш санъатини пухта эгаллаган буюк ва моҳир саркардалардан бири, у ташкил этган қўшин эса замонларнинг энг яхшиларидан бўлганини қайд этади.

«Буюк Самарқанд шаҳрида у ўз даврининг машҳур усталари — расомлар, мезморлар, олимлар, муҳандислар, шоирлар ва бошқа соҳалар арбобларини ҳамда хунармандларни жамлади, уларга ҳомийлик қилди», деб ёзади муаллиф. Ёшлигиданоқ Амир Темура тенгдошлари орасида ўзининг теран фикрлаши, етакчилик сифатлари, узқни қўра оладиган сезгирлиги ва ҳарбий соҳани яхши тушуниши билан ажралиб турган. У ҳамма учун сеvimли ва

ҳурматли лашкарбоши бўлган. Яқинлари ва атрофидаги сафдошлари унга чексиз содиқ бўлишган, қўшин моҳир саркарданинг кўрсатмаларига сўзсиз итоат қилган. Шаҳмат ўйинининг моҳир устаси бўлган Амир Темура ҳарбий юришлари чоғида вазиятни тўлақонли ва аниқ идрок эта олиш, мураккаб вазиятларда эса тўғри қарорлар қабул қилиш қобилиятига эга бўлган.

Буюк хукмдор Амир Темура ва Франция қироли Карл VI ўртасидаги мактуб алмашувлари ҳақида тўхталар экан, муаллиф мазкур тарихий далилларга асосланган ҳолда Амир Темура Европа билан эркин савдототиқнинг тарафдори бўлганини таъкидлайди.

Мақола интиҳосида Амир Темура ва Темурийлар сулоласи, хусусан, ўрта асрларда яшаб ижод қилган буюк астроном Мирзо Улуғбек қолдирган бой мероснинг аҳамияти юқори баҳоланар экан, «Le Figaro» да бу даврга «Мовароуннахр тарихининг олтин даври», дея таъриф берилди.

«Жаҳон» АА.
Париж

Истиқлол фарзандлари



«Давоми. Бошланиши 1-бетда».

Мустақиллигимизнинг 23 йиллиги муносабати билан кеча пойтахтимизда бошланган «Ягонасан, муқаддас Ватаним, севги ва садоқатим сенга бахшида, гўзал Ўзбекистони!» шiori остидаги «Истиқлол фарзандлари» деб номланган ёшлар фестивали ҳам баркамол авлодни қўллаб-қувватлаш йўлидаги навбатдаги хайри чора-тадбирларнинг бири бўлди.

«Қамолот» ёшлар ижтимоий харакати Марказий кенгаши томонидан ташкил этилган фестивалда Зулфия номидаги Давлат мукофоти, «Ўзбекистон белгиси» кўкрак нишон соҳиблари, халқаро спорт мусобақаларида голибликни қўлга

киритган ёшлар қатнашмоқда. Фестивалнинг биринчи кунги мамлакатимизнинг Бош майдонидаги Мустақиллик ва зғулиқ монументи пойига гул қўйиш маросими билан бошланди. Юртбошининг ташаббуси ва сави-ҳаракатлари билан бунёд этилган бу ердаги хар бир иншоот ёшларда катта таассурот қолдирди.

Ёшларимиз юзидаги ўзгача шухуқ тарих тасмаларига муҳрланганча Алишер Навоий номидаги Ўзбекистон миллий кутубхонаси ва Симпозиумлар саройига саёҳат билан кундалик дастур давом эттирилди.

Мамлакатимизнинг барча хуудуларидан таширф буюрган, энг ёрқин ютуқларга эришган, хар соҳада илғор мустақиллик фарзандлари шу кунги нафақат

кутубхонага аъзо бўлишди, балки мазкур бинонинг эътиборга молик барча жойлари билан яқиндан танишишди.

Ёрқин келажак томон қадам ташлаб ултурган юртимиз ёшлари Турин политехника ва Вестминстер университетларига таширф буюришди.

Фестивалнинг дастлабки кунги «Туркистон» саройида ўтказилган «Ягонасан, муқаддас Ватаним, севги ва садоқатим сенга бахшида, гўзал Ўзбекистони!» шiori остидаги гала-концерт билан якунланди.

Ёшлар фестивали 15 август-гача давом этади.

Омонулла ФАЙЗИЕВ,
«Халқ сўзи» мухбири.

Ҳасан ПАЙДОЕВ олган сурат.



«Navoiy mulk markazi» МЧЖ

Бошланғич баҳоси босқичма-босқич олиб бориш тартибда ўтказиладиган очик аукцион савдосига таклиф этади.

Аукцион савдосига Нурота тумани СИБ томонидан ЖИБ Навоий шаҳар судининг 2013 йил 21 декабрдаги 1-548/13-сонли ижро варақасига асосан хатланган, Нурота тумани, «Зафар гранит» МЧЖга тегишли блок тошлар қазиб олиш кони хуудуида сақланаётган куйидаги техникалар такроран қуйилмоқда:

1. «Solid Diamond Business» МЧЖга тегишли, давлат белгиси 85 239 JAA бўлган, 2012 йилда ишлаб чиқарилган техник саз ҳолатдаги «ҚУ30К» русумли махсус автокран.

Бошланғич баҳоси — 453 403 500 сўм.
2. «Solid Diamond Business» МЧЖга тегишли, давлат белгиси 57-38 HE бўлган, 2011 йилда ишлаб чиқарилган техник саз ҳолатдаги «ТУ-160-1» русумли бульдозер.

Бошланғич баҳоси — 257 958 600 сўм.
Аукцион савдоси 2014 йил 28 август кунги соат 10.00 дан бошлаб ўтказилади. Аризалар иш кунлари соат 10.00 дан 12.00 гача қабул қилинади. Аризаларни қабул қилишнинг охириги мuddати — 2014 йил 26 август кунги соат 18.00.

Мазкур автотранспорт воситалари билан тегишли туман суд ижрочилари бўлими вакили иштирокида бевосита жойига чиқиб танишиш мумкин.

Талабгорлар мулк бошланғич баҳосининг 10 фоиздан кам бўлмаган миқдордаги зақалат пулини АТИБ «Ипотека-банк» Навоий филиалидаги куйидаги ҳисоб рақамига тўлашлари шарт: 20208000704943164001, МФО: 00205, СТИР: 302132768.

Савдо ўтказиладиган манзил: Навоий шаҳри, Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитасининг Навоий вилоти хуудий бошқармаси биноси, 1-қават.
Телефон: (8-436) 224-64-31.
www.rmm.uz

Гувоҳнома 1605.

РЕКЛАМА ВА ЭЪЛОНЛАР



STANDARD & POOR'S RATINGS SERVICES

Халқаро рейтинг агентлиги

Ўзбекистон Республикаси
Ташқи иқтисодий фаолият
Миллий банкининг

кредит рейтингларини

ТАСДИҚЛАДИ

узқ мuddатли рейтинг **B+**
қисқа мuddатли рейтинг **B**

Рейтинглар истиқболи:

«Барқарор»

Ватанимиз равнақи йўлида
Сиз билан бирга!



WWW.XS.UZ

Тошкент: 16 — 28 август кунлари Хитойнинг Нанкин шаҳрида бўлиб ўтадиган ўсмирлар ўртасидаги II ёзги Олимпиада ўйинларида иштирок этиш учун Ўзбекистон спорт делегацияси жўнаб кетди.

Халқ сўзи
Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан руйхатга олинган. Нашр индекси — 229. Буюртма Г — 867. 79 367 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

МУАССИСЛАР:
Ўзбекистон Республикаси Олий Мажлиси
Конунчилик палатаси Кенгаши, Ўзбекистон Республикаси
Олий Мажлиси Сенати Кенгаши ва
Ўзбекистон Республикаси Вазирлар Маҳкамаси



ТЕЛЕФОНЛАР:
Девонхона 233-52-55;
Котибият 233-10-28; Эълонлар 232-11-15.



Тахририятга келган қўлэмалар тақриз қилинмайди ва муаллифга қайтарилмайди.
Реклама материаллари учун тахририят жавобгар эмас.
Газета тахририят компьютер марказида терилди ҳамда оператор Ж. Тогаев томонидан саҳифаланди.

• МАНЗИЛИМИЗ:
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — С. Раҳмонов.
Навбатчи — О. Файзиев.
Мусахҳиҳ — С. Исломов.

«Шарқ» нашриёт-матбаа акциядорлик компанияси босмахонаси. Корхона манзили:
«Буюк Турон» кўчаси, 41. ЎЗА якуни — 20.50 Топширилди — 21.30 1 2 3 4 5